

# ბავშვთა დაცვის საერთაშორისო დღის აღნიშვნა

დავეხმაროთ ბავშვებს გააცნობიერონ  
თავიანთი უფლებები და მოვალეობები  
რეალურ და ვირტუალურ სამყაროში.



## მშობლებს



COUNCIL OF EUROPE



CONSEIL DE L'EUROPE



# ჩართულობა ონლაინსივრცეში

## წვდომა და ჩართულობა

ყოველ ბავშვს აქვს უფლება ჰქონდეს წვდომა ინტერნეტთან, განურჩევლად სქესისა, რასისა, ეროვნებისა, რელიგიისა, წარმომავლობისა, თუ შეზღუდული შესაძლებლობებისა. ყოველი ზრდასრულის ვალდებულებაა დაეხმაროს ბავშვებს ამ უფლების რეალიზებაში.



ასწავლეთ თქვენს შვილებს მოექცნენ სხვებს ისე, როგორც სურთ, რომ მოექცნენ მათ: სიკეთითა და პატივისცემით.

## სწავლა და შემოქმედებითობა

ბავშვებს აქვთ უფლება, ისწავლონ ციფრული ინსტრუმენტების გონივრულად გამოყენება სხვადასხვა შინაარსზე წვდომის მიზნით, ინფორმაციის მოსაძიებლად, ადამიანების გასაცნობად და იდეების გასაზიარებლად, სხვადასხვა მედიაფორმატის გამოყენებით (ტექსტი, გრაფიკა, ზეპირი...).



აჩვენეთ შვილებს, როგორ მოიძიონ ინფორმაცია მათ ასაკსა და შესაძლებლობებზე ადაპტირებული პლატფორმების გამოყენებით.



ესაუბრეთ მათ ქუქი- ფაილების შესახებ, რათა უკეთ გააკონტროლონ მათთვის წარმოდგენილი ინფორმაცია.

## მედია- და ინფორმაციული წიგნიერება

ყველა ბავშვს უნდა ჰქონდეს სწავლისა და განვითარების თანაბარი შესაძლებლობა.



აჩვენეთ თქვენს შვილებს, როგორ ისარგებლონ ინტერნეტით შემოქმედებითად, განათავსონ ტექსტები და სურათები ასაკისთვის შესაფერის პლატფორმებზე, იქონიონ პასუხისმგებლობით განმსჭვალული ურთიერკავშირი სხვა ადამიანებთან, კონფიდენციალურობის დაცვის გზით.



# კეთილდღეობა ონლაინსივრცეში

## ეთიკა და ემპათია

სხვა ბავშვების მსგავსად, მენტალური და ფიზიკური სირთულეების მქონე ბავშვები სარგებლობენ ღირსების, თვითმყოფადობისა და აქტიური ჩართულობის იგივე უფლებებით, როგორც ონლაინ- ისე ოფლაინსაზოგადოებაში.



ასწავლეთ თქვენს შვილებს მიმდებლობა მრავალფეროვნების მიმართ.



ბავშვებთან ერთად, ინტერნეტში მოძებნეთ დამხმარე ტექნოლოგიები და აპლიკაციები, რომლებიც შეზღუდული შესაძლებლობების დაძლევის და ცხოვრების ხარისხის გაუმჯობესებას უწყობს ხელს.

## ჯანმრთელობა და კეთილდღეობა

ბავშვებს აქვთ უფლება იყვნენ დაცულნი ყველა სახის ფიზიკური და გონებრივი ძალადობისა და არასათანადო მოპყრობისგან, აგრეთვე, ნებისმიერი სახის ექსპლუატაციისგან, რომელმაც შეიძლება საფრთხე შეუქმნას მათ ჯანმრთელობას ან კეთილდღეობას.



შვილებთან ნდობაზე დაფუძნებული ურთიერთობა წაახალისებთ მათ, გაგანდონ წუხილი, როცა ამის საჭიროება დადგება. თუ თქვენ მათ ზურგს გაუმაგრებთ, ეს დაეხმარება მათ სწრაფ ადაპტაციასა და რეაბილიტაციაში უსიამოვნო გამოცდილების შემდეგ (ისეთი, როგორიცაა ბულინგი).

## ინტერნეტსივრცეში თავის წარმოჩენა და კომუნიკაცია

ბავშვებს აქვთ უფლება იყვნენ დაცულნი მათ კეთილდღეობაზე და რეპუტაციაზე თავდასხმისგან.



ესაუბრეთ თქვენს შვილებს ინტერნეტის ეთიკურად და პასუხისმგებლობით გამოყენებაზე, კარგი ყოფა-ქცევის განზოგადებაზე როგორც ონლაინ-, ისე ოფლაინსივრცეში.




შეახსენეთ მათ, რომ ყველაფერი, რასაც ისინი ონლაინ აკეთებენ, ტოვებს ციფრულ ნაკვალევს, რაც განსაზღვრავს მათ რეპუტაციას და, შესაძლოა მათ მომავალსაც.

# ონლაინუფლებები


## აქტიური მონაწილეობა

ბავშვებს უფლება აქვთ თავისუფლად გამოხატონ შეხედულებები და აქტიურად იყვნენ ჩართული სხვადასხვა ტიპის საზოგადოებაში.

 საუბარი ბავშვებთან მათთვის საყვარელ თემებზე, შესძენს მათ გამოცდილებას გამოხატონ თავიანთი შეხედულებები, მოუსმინონ სხვის აზრს და იპოვონ გამოსავალი.


## უფლებები და მოვალეობები


ბავშვებს სჭირდებათ დახმარება თავიანთი უფლებების, აგრეთვე პასუხისმგებლობების გასაცნობიერებლად, როგორც ფიზიკურ, ისე ონლაინსამყაროში.

 ასწავლეთ თქვენს შვილებს რეაგირება, როდესაც გრძნობენ, რომ მათი უფლებები ილახება. ასწავლეთ, როგორ დაბლოკონ არასასურველი კონტაქტები, შემაშფოთებელი ინციდენტები და მავნე ან ცრუ კონტენტი.

## კონფიდენციალურობა და უსაფრთხოება

ბავშვებს აქვთ კონფიდენციალურობის უფლება, როგორც ონლაინ-, ისე ოფლაინ სივრცეში.



 დააინსტალირეთ ფილტრები, ფაიერვოლები და ანტივირუსული პროგრამული უზრუნველყოფა თქვენი ბავშვების მონაცემებზე. აჩვენეთ, რომელი მონაცემების რა ნაწილი არის პერსონალური.

 ხელი შეუწყვეთ ისაუბრონ თავიანთ ონლაინსაქმიანობაზე ინტერნეტში მოღვაწეობის პირველივე ნუთებიდან.

# ონლაინუფლებები

## სამომხმარებლო ცნობიერება

ბავშვებს უფლება აქვთ იცოდნენ, როგორ ამოიციონ არაეთიკური მარკეტინგი და კონფიდენციალურობის შემლახავი პრაქტიკა, აგრეთვე გაიგონ იმის შესახებ, თუ როგორ შეიძლება მოექცნენ ზეგავლენის ქვეშ და შეცდომაში იქნან შეყვანილნი რეკლამების გავლენით.

-  იყავით მისაბაძი მაგალითი თქვენი შვილებისთვის ქუქი-ფაილების კონტროლის კუთხით.
-  ასწავლეთ, როგორ გადაამოწმონ ვებგვერდები და ყიდვისას გააკეთონ არჩევანი ეთიკური ნორმების და მდგრადი განვითარების პრინციპების დაცვით.

*დავეხმაროთ ბავშვებს გააცნობიერონ თავიანთი უფლებები და მოვალეობები რეალურ და ვირტუალურ სამყაროში.*

ევროპის საბჭოს სხვა პუბლიკაციები ციფრული მოქალაქეობის სწავლების შესახებ

- ▶ Educating for a video game culture – A map for teachers and parents (2021)
- ▶ Easy steps to help your children become a Digital Citizen (2020)
- ▶ Keeping young citizens busy at home during the Corona crisis (2020)
- ▶ Parenting in the digital age – positive parenting strategies for different scenarios (2020)
- ▶ Digital Citizenship Education Handbook (2019)
- ▶ Bullying: perspectives, practice and insights (2017)
- ▶ Internet Literacy Handbook (2017)

დამატებითი ინფორმაცია ხელმისაწვდომია აქ: [www.coe.int/education](http://www.coe.int/education)

**ავტორები:**  
**Janice Richardson**  
**Veronica Samara**

**თარგმნილია:**  
**მასწავლებელთა**  
**პროფესიული**  
**განვითარების**  
**ეროვნულმა ცენტრმა**



PREMS 165021

**KAT**

[www.coe.int](http://www.coe.int)

ევროპის საბჭო არის ადამიანის უფლებათა მონიწივე ორგანიზაცია კონტინენტზე. იგი 47 წევრი სახელმწიფოსაგან შედგება, რომელთა შორისაა ევროკავშირის ყველა წევრი ქვეყანა. ევროპის საბჭოს ყველა წევრმა სახელმწიფომ ხელი მოაწერა ადამიანის უფლებათა ევროპულ კონვენციას - ხელშეკრულებას, რომლის ძირითად მიზანს ადამიანის უფლებების, დემოკრატიისა და კანონის უზენაესობის დაცვის უზრუნველყოფა წარმოადგენს. ადამიანის უფლებათა ევროპული სასამართლო ზედამხედველობს კონვენციის შესრულებას წევრ სახელმწიფოებში.

COUNCIL OF EUROPE



CONSEIL DE L'EUROPE